

激靈龍鯨 偃驅神虛 相主八關

演坑襲道 部鄒球奚 胎居消品

玉津明微

北方八天

鬼迺啖茹 辛字廷鋼 勅校九天

省錄韓注 希恍罔觀 覺超意龍

昇祛翔周 神虎萬丘 洛歌嘯宛

叩鳴和澗 閻絕溢酬 化樞既辨

陀仙浮關 嵩濂林縣 寶屈體光

梵布于鍊

道言此諸天中大梵隱語无量之音舊文字皆廣長一文欲生化胎根斷除邪穢即布丹書石上坐誦洞文則尸賊伏匿雀陰嘯怖琺驕喪睛姑俞窺隱天素佩身百靈朝謁檄統萬神天真皇人昔書其文以為正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上真道備尅得遊行三界升入金門此音无所不辟无所不穰无所不度无所不成天真自然之音也故誦之致飛

天下觀上帝遙唱萬神朝禮三界侍軒群杖東首鬼精自亡琳琅振響十方肅清河海靜默山嶽吞煙萬靈振伏招集群仙天無氛穢地無林塵冥懸洞清太量玄玄也元始无量度人上品妙經卷之二十一



正一天師清微弟子 洪百堅 製作

靈寶无量度人上品妙經卷之二十二 玄二

飛神召靈品

道言昔於始青天中九華瑩徹靈明扶宮受元始度人飛神召靈无量上品元始天尊當說是經周回十過以召十方始當詣座紫清仙界梵炁靈音三天道主玉宸聖君諸天上帝金闕高真无鞅數眾乘空而來飛雲丹霄綠輿瓊輪羽蓋垂蔭流精玉光五色鬱勃洞煥太空三日三夜諸天日月星宿璇璣玉衡一時停輪神風靜默山海藏雲和炁燿遶紫霧亂氲天無浮翳四氣朗清一國地土山川林木緬平一等無復高下土皆作碧玉無有異色眾真侍座元始天尊玄坐綠霄回旋泛光碧玉寶座之上說經一遍諸天上帝稽首言善法始出世人皆見妙理說經二遍三界萬天歸仰讚歎人獲長生說經三遍數出五行无有生滅說經四遍外境湛然內境明悟說經五遍生路可關死尸立閉說經六遍炁序和平四時混一說經七遍生死快樂无有窮已說經八遍悟解妙法得升仙境說經九

遍鳥獸草木咸得盡數不被天傷說經十過
幽魂滯魄久沉地獄皆得解脫是時一國是
男是女莫不傾心皆受護度咸得長生

道言是時元始天尊說經一通東方明耀十
天帝君從吏神兵无鞅之衆浮空而至說經

二遍南方赤明十天帝君從吏神兵无鞅之
衆浮空而至說經三遍西方素明十天帝君
從吏神兵无鞅之衆浮空而至說經四遍北
方玄明十天帝君從吏神兵无鞅之衆浮空
而至說經五遍東北洞明十天帝君從吏神

兵无鞅之衆浮空而至說經六遍東南耀明
十天帝君從吏神兵无鞅之衆浮空而至說
經七遍西南離明十天帝君從吏神兵无鞅
之衆浮空而至說經八遍西北靈明十天帝
君從吏神兵无鞅之衆浮空而至說經九遍

上方通明萬天帝君從吏神兵无鞅之衆浮
空而至說經十遍下方普遍重壘山谷洞天
主宰神兵鬼官无量數衆升空而至十遍周
竟十方无極天真大神一時同至一國生靈
虔心稽首來者有如海波洋溢地泉湧發无

鞅之衆迨國一半土皆偏陷非可禁止於是
元始化光自肩間出騰耀萬方分身入於光
中各有元始聖像然後光明復入肩間聚成
圓珠大若乾坤普照天地化形无體變象自
然虛空天界盡入圓珠中天人仰看惟見萬

身元始萬天帝君勃勃從珠口中入既入珠
口不知所在國人靡散地還平正无復歌陷
元始即於光明圓珠之上說經都竟衆真監
度以授於我當此之時喜慶難言法事粗悉
諸天復位倏歛之間寂无遺響是時天人過

值經法普受天恩咸得濟度全共本年无有
天傷傾土歸仰咸行善心无盡无滅无敗无
壞无損无去无離无散无死无傷言无華綺
口无惡聲齊同慈愛異骨成親國安民豐欣
樂太平經始出教一國以道預有至心宗奉
禮敬皆得度世

道言元始天尊說經中所言並是三景上帝
秘密隱奧之文亦是玉宸大帝化形召真之
隱名也非世之常辭上聖已成真人飛神召
靈通玄究微能悉其章誦之十過萬天恭禮

三界聽法河海靜默山嶽藏雲日月停景璇
璣不行陰陽翕和晝夜皆明群魔東形鬼精
滅爽回屍起死白骨成人至學之士誦之十
過則五帝侍衛三界稽首鬼官束形魔精受
法濟度垂死絕而得生所以初學道士血穢

未除神不通爽身不清靈體未洞真以制十
方威未制天政德可伏御地祇束縛魔靈但
為華文不究精微輕誦此章身則被殃禍連
九祖供養尊禮門戶興隆世世昌熾得為真
仙萬災不干神明護門斯經華妙獨步玉京

度人无量為萬道之宗魏魏大範德難可勝
道言凡誦是經十過諸天齊到億會萬祖支
連屬籍皆即受度上升朱宮格皆九年受化
更生得為真人而好學至經功滿德就皆得
神仙飛升金闕遊宴玉京也上學之士修誦
是經神完炁具飛升南宮中學之士受誦是

經皆即受度得為神仙下學之士悟解此經
即得五行備足去來由己不沉鬼官若復投
胎再受是經即獲飛升遊行太空此經微妙
普度無窮一切天人莫不受慶集无量之道

生死蒙惠上天所寶不傳下世永祕玉府三萬六千年劫運當興盟天而傳輕泄漏慢殃及九祖禍災門闕長役靈官神兵將吏侍經五帝神司朱靈金童青腰玉女各三十六人營衛神文保護受經者身

道言正月長齋誦詠是經飛神召靈魂飛九天與道合真七月長齋誦詠是經神靈不昧出入杳冥洞達幽微永保長生十月長齋誦詠是經內外明徹炁出復還神隨意往聚散變化皆得運度性悟真空安鎮其方人稱太平八節之日誦詠是經得為南宮列仙本命之日誦詠是經超凌三界升入金門不經苦惱身有光明三界侍衛五帝司迎萬神朝禮名書上天功滿德就飛升上清

道言行道之日皆當香湯沐浴齋戒入室
東向叩齒三十二通上開三十二天心拜
三十二過閉目靜思身坐九霄純陽五色梵炁之中內外翁冥有青龍白虎朱雀玄武獅子白鶴羅列左右日月光明照耀天地身化萬變遍歷十方如此分明密呪曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啓所言今日吉慶長齋清堂修行至經无量度人願所啓上徹徑御

无上三十二天元始上帝至尊几前畢
引炁三十二過東向誦經

元始无量度人上品妙經
元始洞玄飛神召靈本章上品妙首萬變度人千化隱韻離合自然出空入无混洞赤文无无上真元始祖劫化生神靈開明萬類是為道根上無復祖惟道為身通天徹地分神化靈無文不光無文不明無文不立無文不成無文不度無文不生是謂大梵天中之天紫瓊浮臺齋宮梵炁太極元尊大羅玉清混然六合移炁萬靈眇眇劫劫仍若亡若存洞華三境六宸巨庭藥館嬰房紫微神靈九華梵

炁周遍十方中有南極長生之君中有飛神召靈之君中有變化自然大神中有通天徹地靈君中有化炁萬形之神遊行太空微妙尊神回骸起死无量度人今日校錄諸天臨軒

東方无極飛神召靈長生大聖无量度人
南方无極飛神召靈長生大聖无量度人
西方无極飛神召靈長生大聖无量度人
北方无極飛神召靈長生大聖无量度人
東北无極飛神召靈長生大聖无量度人
東南无極飛神召靈長生大聖无量度人
西南无極飛神召靈長生大聖无量度人
西北无極飛神召靈長生大聖无量度人
上方无極飛神召靈長生大聖无量度人
下方无極飛神召靈長生大聖无量度人
十方至真飛神召靈長生度世无量大神並乘華蓋五色翠羽雲輿龍首絳萼凝珠寶輦駕御靈鳳駉乘翠鸞建千真變化靈節萬炁聚散神幡前嘯神虎泛響後隨蒼龍發揮辟邪天鹿雷音大獸更唱迭和交映拱扶七曜

啓扉千真擁轅億萬天仙浮空而來恭迎法
駕俯持信幣專心稽首虔仰靈音主宰上相
南陵火官掌經仙伯監籍大神執經把籍齋
到帝前隨所應度嚴校諸天普告三界无極
神鄉昌明玉閣瓊室華堂太一靈府九炁梵
天上解祖考億劫種親罪籍幽玄落滅消釋
不得拘留神合道符元始告命時刻升遷校
錄朱宮鑄鍊形魂靈魔保舉度品南宮死魂
受鍊仙化成人生身受度劫劫長存隨劫輪
轉與天齊年永度三塗五苦八難超凌三界
逍遙上清上清之天天帝玉真玉宸之境梵
行

東方八天
青麗始綠天 帝幸經綸夷
日景微度天 帝永須梵希
惠正麗變天 帝洞耀神凝
靈兆綠敬天 帝靈鬱延微
廣華成化天 帝汎光每支
上靈清慧天 帝委汝加非
羽舞晃曦天 帝大鞠零施

呼變穆粹天 帝弗支婁機
南方八天
陽離大盛天 帝昇欲玄生
林宛極瓊天 帝容純影光
九變東文天 帝永重威光
寧丹正度天 帝莫緬那方
熙凝澤物天 帝忽咤雲昌
和明慶音天 帝伏浮昇康
大定施變天 帝臻齊何鄉
好生長育天 帝溫慧令長
西方八天
皓景今芳天 帝既无漂生
平敷玉素天 帝擁靄行元
飄飄影梵天 帝龍斐角衣
鎮觀至幾天 帝壯敬玄機
正始華光天 帝妙曆升飛
未極威庭天 帝競盛呼黎
上浮碧蒙天 帝整謂緣威
霄零施政天 帝弗綱兮歸
北方八天

淵默玄化天 帝濛暮攜混
慧宛成理天 帝行緣金衝
樂梵无欲天 帝肯持妙通
和同萬有天 帝通育元烘
冲虛大漠天 帝遠上來升
元通法號天 帝秀繞雲京
文英動妙天 帝願施成并
上靈七輝天 帝慶貽宗真
三十二天三十二帝玉清秘訣上清隱奧九
霄梵音自然妙理萬天瓊文天中龍章玉符
寶篆天中神機九天靈魔太清隱名萬和千
合變化飛神无量之寶深莫可量敷洛神真
普度天人今日欣慶受度歷關諸天請滅三
惡斬絕地根飛度五戶名列太玄魔王監舉
無拘天門東斗發生西斗除殃北斗延算南
斗注昌中斗化形總監眾靈青帝飛神白帝
聚魄赤帝流光黑帝召靈黃帝內升萬神合
明青天魔王恭符神音赤天魔王書罰功非
白天魔王斬馘不祥黑天魔王巨力施威黃
天魔王持法守真五帝大魔萬神之宗飛行

三界統領神兵麾持節遊遍太空自號神威諸天稱功上天度人施化靈文至真受命降法召靈八威真維萬萬罔張錦額前驅青甲仗旗擲火萬里流鈴八衝敢有干犯拒遇上真金鐵前戮巨戈後刑蕩除邪穢風火無停千千截首萬萬窮形魔無干犯鬼無祿精三官校錄神司考魂不得容隱金馬驛呈普告無窮萬神咸聽三界五帝列言上清洞元通曆玉宸開劫兩儀鑿象混沌始分上無色界下無色根道玄虛寂靈風自然天上天下無忘無想無本無源無體無累混然六合照徹十方龍漢初劫傳法開生壬辰開度化育群元死戶開鑿胎根息滅氣靈通爽俱集神庭上衝太虛下徹幽關百體俱一內外無傷神隨氣運變化無常一體萬身呼吸非光神遊三界氣通十方聚散為一皆由我身中為神王意乃神主意與神合飛神召靈仙道可入平視高真太極混沌金函玉章洞達幽微坐通八景飛照億千性定神息回風紫煙道包萬象法制千魔與道同合自然成真真中

之真長生大君玉靈公子飛化尊神遊空主宰內治形真氣聚靈全保命生根永固神靈出入上清八維之內三界之中通化萬神主握三宮應召九源混合萬神十轉回仙靈氣生全仙道隱秘運應度人上開天門飛神召靈超升玉闕浩劫無停普受開化身得列真鍊形太空永離凡緣上關九霄遍歷三台鍊屍黃庭飛升太清太清之上有此仙門中有飛神召靈之章真玉靈篇辭參高真

第一神霄玉府飛神之章

神靈變化 與隱無窮 氣神相合
 真入仙門 神乃身主 氣乃神王
 神氣俱妙 參御高真 飛靈八極
 召至萬神 惟道可借 洞徹幽冥
 回風扇景 天地育生 誦誅除殃
 解悟成真 真中妙理 返本固根
 太乙真魔 上相元君 秘隱不顯
 億劫長存
 第二紫微玉府洞真召靈之歌
 神庭隱大羅 梵炁為宗主 不動乃經常

動之即解悟 秘於紫元都 昌運符流布
 華房鬱紫煙 靈臺釋長句 開闢萬有法
 包括六虛成 大道寂無體 得道還爾身
 根斷死尸滅 飛神入太清 超凌億劫塗
 永離北鬼宮 過三界兮 道御長空
 升無為兮 混合仙真 既真空兮
 宿命開通 飛靈八維兮 億劫無終
 妙理通真兮 虛玄寥廓 究本還元兮
 出入御靈風

第三景霄天尊洞神降誥歌曰

玉宸洞微 大道隱存 至真無體
 以道為身 運神召靈 抱括乾坤
 內實外虛 陽光陰精 浮黎玄寂
 身入杳冥 變化自然 遊觀太空
 太空之上 混合九成 五體生全
 百神咸寧 出入影隨 隨影見真
 真中之真 即此真空 悟解成道
 保之長存 爾不悟真道 永沉北羅鄴
 轉輪生死根 六趣無仙門
 此九霄之上玉靈之中神王歌音音諧玉律

靈參金文誦之百遍超度南宮誦之千遍名列高真萬通道備飛昇玉清度越三界位登仙籍有闡神音魔王敬形敷制地祇侍衛送迎拔出地戶五苦八難七祖升遷未離北官理度朱陵受鍊更生是謂无量普度無窮有秘上天文諸天共所崇泄慢墮地獄禍及七祖翁

道言此二章並是玉宸上帝及九霄神王隱秘之音皆是大梵之言非世上常辭言無韻麗曲無華宛故謂玄奧難可尋詳上天所寶秘於神霄玉府內禁瓊宮華堂經室依玄科三萬六千年劫運當傳若有至人明內寶質心依舊格告盟三天然後而付焉

道言夫天地運度亦有否終日月五星亦有虧盈至聖神人亦有休否末學之夫亦有疾傷凡有此災同學皆當運神鍊炁受化濟度十遍轉經以召神靈復復更生无量之文普度無窮

道言夫末學道淺或仙品未克神氣未備飛召不能運應滅度身經太陰臨過之時同學

至人為其行香誦經傳法開悟神靈以度屍形如法魂神徑上南宮隨其學功計日而得更生轉輪不惑便得神仙

道言夫天地運終亦當修齋行香誦經星宿錯度日月失昏亦當修齋行香誦經四時失度陰陽不調亦當修齋行香誦經國主有災

兵革四興亦當修齋行香誦經同學命過亦當修齋行香誦經疫毒流行兆民死傷亦當修齋行香誦經夫齋戒誦經功德甚重上消天災保鎮帝王下樓毒害以度兆民生死受賴其福難勝故曰无量普度天人

道言凡有是經能為天地帝主兆民行是功德飛神王闕召靈仙都有災之日發心修齋燒香誦經十過皆諸天記名萬神侍衛右別至人克得為聖君金闕之臣諸天記人功過毫分無失天中魔王亦保舉爾身得道者乃當洞明至言也

諸天中飛神召靈隱語无量音 道君撰
元始靈書中篇

東方八天

塊北妙本 顯黎俱浮 奔扉空柯
華陸宛都 敬既推哲 景耀洞虛
慶夷林遠 育兆玄珠 珠成獨何
芬芬化舒 飛光箕翼 敷通北樞
太一靈房 俯仰若居 回犯神漢

南方八天

光動赤霞 蒼梧火兢 蹠景紅希
龍虎降升 施展除布 炯赫綠英
日俱雲遠 闡發齊弁 郁馥離晃
定披錦星 氣動拘基 復邀洞清
擲罔真斯 殊轉運丁 卜扶貽建
象宮鎮靈

西方八天

金光六支 虛于大黎 煥素耀景
空華洞希 惠余正蘊 泛歌曼施
注顯辨惡 歸氏合持 教延宙落
方鑑影提 萬衛堅滿 勝凝神衣
忽扶合策 品度倬暉 巨佃荒權
符車合離

北方八天

淵淨浮羅 弗離幽爽 据盧圓軒

玄漠訓啟 丹宛屈騎 扶展附長

追呼魔魂 統復施張 沉息華光

泛曲會傷 普落大化 曜都定昌

平隨辯護 追幽反光 度功罔極

億化天仙

道言此王辰天中大梵隱語无量之音皆玉
文丹書龍章雲篆秘於內闕華堂黃金寶函
輝光百尋五色靈氣神章之中神霄玉清真
王扶桑青華帝君皆知其音以傳其文能齋
而誦之者諸天皆遣飛天神王下觀其身書
其功勤上奏諸天萬神朝禮地祇侍門玉清
消魔神王保舉上仙道備克得飛神三界召
靈千真此音無所不變無所不通無所不度
無所不成文三天真自然之音也故誦之致飛天
下觀上帝遙唱諸天朝禮三界侍軒群妖東
首萬靈擁佑和氣叶流瑞煙霧靈神靈應寂
琳琅振響十方肅清河海靜默山嶽吞煙萬
靈振伏招集群仙天無氛穢地無祲塵冥慧

洞清大量玄玄也

元始无量度人上品妙經卷之二十二

正一天師清微弟子 洪百堅 製作



靈寶无量度人上品妙經卷之二十三 文三

降真召靈品

道言昔於太極宮中紫耀騰歌大通神土受
元始度人降真召靈无量上品
元始天尊當說是經周回十過以召十方始
當詣座天真大神上聖高尊妙行真人無鞅
數衆乘空而來紫煙騰霄羽騎雲車霓旌霞
蓋映靄晨輝五色羅絡鬱耀九空七日七夜
諸天諸地日月星辰海嶽洞宮一時開朗靈
光照徹景氣澄清一國地土山川林木緬平
一等無復高下土皆作七寶異珍十華妙色
衆真侍座
元始天尊玄座空浮天靈洞化神金萬變之
座說經一遍天真大聖同時稱善是時一國
男女尊崇道德開悟性真說經二遍神化彰
明說經三遍文三昧識達玄說經四遍霄虛妙響
雅韻成音說經五遍空洞靈文朗煥八方說
經六遍高真上聖下教人間說經七遍三洞
經法普用宣行說經八遍幽顯神靈應念隨
心感善降祥與德合并說經九遍魔試蠲息